

畿輔通志卷七十二

略二十七 輿地二十七 方言

嘏戎京將大也衛謂之嘏或曰戎燕之北鄙或曰京或曰將

方言

一

謹案爾雅嘏戎京將大也京古讀若畺與將同聲嘏假通字鄉飲酒義夏之爲言假也方言凡物之壯大者而愛偉之謂之夏周鄭之間謂之嘏郭璞曰嘏音賈與假同音今北人見物之大者震而驚之曰大假貨蓋古方言之遺嘏將一聲之轉

凡土而高且大者幽謂之墳 方言

一

謹案檀弓鄭注曰土之高者曰墳假借用之則凡大者俱謂之墳猶京謂大邱冢爲大墳而經典用之則多泛指大

者而言故爾雅釋詁墳與京冢俱云大也墳亦通作賁通作頒今北人通謂墓曰墳土之高且大者曰塚

融長也衛曰融

方言一爾雅釋詁郭璞注

謹案詩昭明有融毛傳曰融長也馬融字季長義卽取此李善思元賦注曰融與彤古字通故方言融彤俱云長也今北人猶有形長之語

凡物盛多魏曰夥

方言一

謹案廣雅夥多也夥與夥同史記陳涉世家楚人謂多曰夥今畿輔謂眾人曰一夥人同謀合作者曰夥計多夥音近字

發燕人云多

廣韻八戈

謹案廣雅發多也發字從委有委積之義與夥音近字

釗遠也燕之北郊曰釗

方言七

謹案釗與征一聲之轉廣雅曰釗征遠也釗遼迢遙超皆疊韻字故語聲遞變

假格至也冀曰假或曰格

方言一

謹案說文假至也通作格堯典假于上下說文引作格西伯戡黎格人元龜君奭格于皇天格于上下史記皆作假郭璞曰格古格字方言格來也格登也登來皆與至義相近

郅登也衛曰郅

方言一

謹案格訓至亦訓登郅訓登亦訓至其義一也爾雅郭注引郅作騰通字

噬逮也北燕曰噬

方言七

北燕曰遂

爾雅釋言
郭璞注

謹案遂噬同字通作逝詩逝不古處噬肯適我毛傳竝曰逮也今人謂之及韓詩曰逝及

慧趙魏之間謂之黠或謂之鬼

方言一

謹案廣雅黠鬼慧也仲長統覈性賦曰蠢爾一槩智不相絕推此而談孰癡孰黠今保定人呼人之靈黠者曰鬼郭璞方言注曰今名黠爲鬼蜮詩爲鬼爲蜮亦此義

嫵好也魏謂之嫵凡好而輕者趙魏燕代之間曰姝或曰姝

方言一

謹案廣雅嫵姝好也羸羸容也嫵與羸同字又通作盈古詩盈盈樓上女盈盈一水間皆謂嫵好也郭璞曰姝言姝容也姝與丰同詩毛傳曰丰豐滿也廣韻丰茸美也姝容

丰豐丰茸皆音同字今保定人譏女之淫美者曰姘卽古
方言之遺廣雅姝好也女之美者曰姝詩邶風靜女其姝
是也士之美者亦曰姝詩鄘風彼姝者子是也字又通作
祿姁

豔美也衛曰豔

方言二

謹案說文豔好而長也從豐豐大也春秋傳曰美而豔今
案古人皆以長好者爲美說文姪長好也媽長也娉弱長
兒哀十五年左傳曰渾良夫長而美史記蘇秦傳曰後有
長姁美人詩鄘碩人其碩傳曰碩長兒箋曰碩大也豔之
從豐卽此義方言美色曰豔郭璞注曰言光豔也尙不足
以盡之

僕容也衛曰僕

方言二

謹案郭璞注方言曰奕僕皆輕麗之兒僕與奕聲轉廣雅
僕僕容也通作葉漢先生郭輔碑葉葉昆嗣福祿茂止

鑠盱揚雙也衛曰鑠燕代曰盱或謂之揚

方言二

謹案爾雅鑠美也謂目之美通作燦文選注引郭璞方言
注曰燦言光明也前漢王莽傳盱衡厲色注曰眉上曰衡
盱衡舉眉揚目也詩鄭清揚婉兮傳曰清揚眉目之間疏
曰眉之上下曰揚盱揚皆揚眉舉目之兒雙當讀爲攢竦
也亦舉眉揚目之義

北方人謂媚好爲詡畜

漢書張敞傳孟康注

謹案畜與媼通廣雅媼好也好謂之畜相悅亦謂之畜孟
子畜君者好君也趙岐注曰言臣說君謂之好君好畜古
音相近呂氏春秋引周書曰民善之則畜也不善則讎也

畜與讎韻

掩愛也衛曰掩

一方言

撫掩愛也衛曰撫或曰掩

一方言

謹案廣雅撫掩愛也撫掩通作撫掩爾雅矜憐撫掩之也
又曰撫撫也撫與謀同釋詁曰謀憐愛也愛與蔓通詩烝
民毛傳曰愛隱也方言掩翳愛也郭璞曰謂蔓蔽也引詩
蔓而不見今本則作愛人相愛則互爲隱蔽論語父爲子
隱子爲父隱是也掩翳一聲之轉故廣雅曰翳愛也掩愛
亦聲轉字

朕欲也趙曰朕

六方言

謹案以我所欲強人之從則曰朕今人語猶然說文朕喉
犬厲之也獎勸之意卽從此出

苦快也魏曰苦

方言三

謹案爾雅苦息也息訓安止與快同義苦快聲轉苦之訓快猶亂之訓治之義苦亦有疾意淮南子道應訓斲輪太疾則苦而不入高誘曰苦疾意也故方言逞忼了皆訓快今北人凡言疾者皆謂之快

斟汁也北燕曰斟

方言三

謹案方言原本斟誤斟與協義不合說文斟斟盛也從十從甚廣韻昌汁切引字統曰斟會聚也皆與協義近汁與叶古字通汁與協字亦通見大行人注

由輔也燕之北鄙曰由

方言六

謹案廣雅由助也助卽輔義

台養也衛燕魏曰台

方言一

謹案漢書地理志集注曰台養也台與頤同聲故廣雅曰

頤養也郭璞曰台猶頤也台養聲轉字台又訓悅史記大史公自

序索隱曰而養亦訓樂廣雅釋詁台又訓懼廣雅釋詁而

養亦訓憂詩中心養養毛傳曰養與陽同聲同訓而爾雅

則曰台陽予也是皆以音近而相借也

悽哀也趙魏燕代之間曰悽方言

謹案悽憐一聲之轉今畿輔人呼人之可哀者皆曰可憐

悽與淩通爾雅淩慄也慄慄也釋文曰郭注淩當作悽埤

蒼云悽慄也

愼瞢憂也衛或謂之愼或曰瞢方言

謹案廣雅愼瞢憂也愼恐也郭璞方言注曰瞢者憂而不

動王念孫曰玉篇瞢音潛瞢之言潛也即郭璞所云失意

潛沮之義

鬱悠思也衛謂之鬱悠

方言一

謹案鬱悠思心鬱積之義王念孫曰鬱猶鬱鬱也悠猶悠悠也楚詞九辨云馮鬱鬱其何極鄭風子衿篇云悠悠我思合言之則曰鬱悠郭璞注鬱悠卽鬱陶悠陶同聲皋陶之作咎繇卽此類也摯虞思游賦夏侯湛大暑賦皆用鬱陶言暑氣鬱積與此意同引而伸之則爲喜爾雅鬱陶喜也是也又爲憂楚詞九辨王逸注鬱陶憤念蓄積盈胸臆也是也鬱陶音轉字

謾台脅鬩懼也燕代之閒曰謾台衛凡怒而噎噫謂之脅鬩

方言一

謹案廣雅謾台脅鬩懼也郭璞曰脅鬩猶鬩沐喘嗜兒也

方言曰江湘之間凡窘猝怖遽謂之澗沐澗闕同字怒而噎噎者郭璞曰噎噎謂憂也毛詩傳曰噎憂不能息檀弓注曰噎不廝之聲噎與喘啗義相近

趙魏之間慙謂之𦔻

方言六

謹案𦔻悔聲轉廣雅悔𦔻慙也

譙謹讓也衛曰譙北燕曰謹

方言七

謹案廣雅譙謹讓也說文謹譁也人相責讓則其聲謹譁故今北人謂謹呼者爲讓卽此義也

保𦔻罵也燕之北郊曰保𦔻

方言七

謹案廣雅保𦔻罵也郭璞曰羸小可憎之名也方言又曰庸謂之𦔻亦罵詈之意今保定人凡罵人而使之馳者以保𦔻二字合讀

燕之外郊凡言呵叱者謂之嬰盈

方言七

謹案廣雅嬰盈怒也玉篇嬰盛兒盈滿也嬰盈皆言怒氣憤滿之象盧文弨謂如馮之訓滿訓怒也

燕代謂喜言人惡爲溲

集韻二十九過

謹案今北人謂喜言人過爲溲背子

衛凡相驚曰猓或曰透

方言二

謹案說文猓犬猓猓不附人也徐鍇曰犬畏人也廣雅曰猓透驚也透與倏通賈子容經篇曰其始動也穆如驚倏今畿輔人謂嚇之甚者曰嚇透卽方言之遺

殯微也衛曰殯

方言二

謹案廣雅殯病也方言凡病而不甚曰殯殯郭璞曰病半卧半起也今轉爲慄慄

凡飲藥傳藥而毒北燕謂之癰

方言三

謹案說文朝鮮謂藥毒曰癰癰癰聲轉郭璞曰皆辛螫也

今北方猶呼癰瘡音皆

顏氏家訓書證篇

謹案顏氏曰左傳齊侯癰遂店說文云癰二日一發之癰世間傳本多以癰爲疥俗儒云病疥令人惡寒變而成店此臆說也案顏氏之說與梁人袁狎之說同其作疥者以疥皆音近而誤癰又作瘡本草老癰名瘡瘡俗呼妖瘡

燕之外郊少兒泣而不止曰啍

方言一

謹案說文朝鮮謂兒泣不止曰啍今保定俗罵人哭不止叫不止者皆曰啍卽此字少與小古通易繫辭傳力小而任重唐石經作力少故郭璞曰少兒猶言小兒

擣取也衛曰擣

方言一

謹案廣雅擣取也亦作尋通作探

衛謂殺曰劉燕之北郊謂賊爲虔魏謂搯曰殘

方言一

謹案虔劉見左氏成十三年傳殘賊見孟子莊暴篇搯卽
憚字左氏僖二十四年傳狄固貪憚釋文引方言曰殺人
而取其財曰憚郭璞曰言歎搯難歎也

祛摸去也趙之總語也祛摸猶言持去也

方言六

謹案廣雅祛莫去也摸與莫通今北人謂手捫物者皆曰
摸祛或作祛祛

鐫琢也趙謂之鐫

方言二

謹案說文鐫穿木鐫也一日琢石也今北人呼刻石者爲

鐫刻金銀者亦曰鐫

鉞斫也趙謂之鉞鉞

方言二

謹案鉢亦作鉢音霹漢書藝文志鉤鉢析亂顏師古口鉢

破也今北人破木猶曰鉢

掬離也燕之外郊曰掬

方言七

謹案盧文弨曰掬無離義疑當作播播古人作羽形近致誤今案當作掬掬古文揮揮散也易文言六爻發揮孔疏曰六爻發越揮散散與離義相近今無此語

燕摩鋁謂之希

方言七

謹案廣雅希磨也希鑠皆銷金之義今人謂之磨

烈餘也衛曰烈

方言一

衛曰藁

爾雅釋詁郭璞注

謹案爾雅烈餘也郝懿行曰烈者裂之假音通作厲詩垂帶而厲下云帶則有餘是厲訓餘也故箋謂厲字當作裂

裂厲聲相轉也詩苞有三葉廣韻引作枹有三枹爾雅釋詁枹餘也釋文枹本或作梓高誘注淮南俶真訓曰梓讀詩頌苞有三葉同枹梓葉皆同物梓古文櫟字說文櫟伐木餘也

燕之外郊凡言置立者謂之樹植

方言七

謹案方言殖立也殖植同字今北人凡立物皆謂之樹樹與豎通

趙魏之間火熟曰爛氣熟曰糒久熟曰酋穀熟曰醅熟其通語也

方言一

謹案廣雅爛醅糒酋熟也士虞禮醅饔在東壁鄭注曰炊黍稷曰醅醅糒同字糒與醅亦通玉篇糒禾大熟也今保定人凡肉熟者皆曰爛熟久而稠者皆曰酋周官酒正二

曰簋酒鄭注曰簋酒今之酋久白酒

燕之外郊凡彘肉發人之私披牛羊之五臟謂之膊彘五穀之類北燕謂之晞

方言七

謹案說文膊薄脯膊之屋上釋名膊迫也薄椽肉迫著物使燥也案今保定人以食物置釜上使燥猶曰膊膊暴聲轉說文晞乾也

燕之北鄙凡相賦斂謂之平均

方言

謹案急就篇曰司農少府國之淵遠取財物主平均廣雅

曰平均賦也

燕俗名湯熱爲觀

周禮司權注

謹案鄭康成曰燿讀如子若觀火之觀燿火謂熱火今人謂火盛者曰權乃燿音之譌